

Na osnovu člana 230. Zakona o privrednim društvima ("Sl. novine FBiH", br. 81/15, 75/21), i člana 101. Statuta Društva, dioničar sa preko 10% dionica sa pravom glasa neposredno saziva vanrednu skupštinu društva "SVJETLOSTKOMERC" d.d. Sarajevo, za dan 09.02.2026. godine sa početkom u 10.00 sati na adresi sjedišta društva Bačići br.5, 71000 Sarajevo i ovim putem objavljuje:

OBAVJEŠTENJE

o sazivanju 46. vanredne Skupštine dioničara društva "SVJETLOSTKOMERC" d.d. Sarajevo

Saziva se 46. vanredna Skupština dioničara društva "SVJETLOSTKOMERC" d.d. Sarajevo, koja će se održati dana 09.02.2026. godine (ponedjeljak) u prostorijama društva "SVJETLOSTKOMERC" d.d. Sarajevo ul. Bačići br.5, 71 000 Sarajevo, sa početkom u 10.00 sati.

Za Skupštinu dioničara predlaže se slijedeći dnevni red:

1. Izbor predsjednika Skupštine i dva ovjerivača zapisnika Skupštine,
2. Donošenje Odluke o razrješenju predsjednika i članova Nadzornog odbora, Društva za unutrašnju i spoljnu trgovinu "SVJETLOSTKOMERC" d.d. Sarajevo, zbog isteka mandata,
3. Donošenje Odluke o izboru i imenovanju novih članova Nadzornog odbora, Društva za unutrašnju i spoljnu trgovinu "SVJETLOSTKOMERC" d.d. Sarajevo,
4. Donošenje Odluke o razrješenju predsjednika i članova Odbora za reviziju, Društva za unutrašnju i spoljnu trgovinu "SVJETLOSTKOMERC" d.d. Sarajevo, zbog isteka mandata,
5. Donošenje Odluke o izboru i imenovanju novih članova Odbora za reviziju, Društva za unutrašnju i spoljnu trgovinu "SVJETLOSTKOMERC" d.d. Sarajevo,
6. Donošenje Odluke o utvrđivanju naknada članovima Nadzornog odbora i Odbora za reviziju.

Pravo učešća i odlučivanja na Skupštini imaju dioničari koji se na listi dioničara kod Registra vrijednosnih papira u FBiH nalaze 30 dana prije datuma održavanja Skupštine ili posljednjeg radnog dana koji prethodi tom roku, ako on pada u neradni dan.

Skupštini mogu prisustvovati dioničari ili punomoćnici, koji su se prijavili odboru za glasanje prije početka rada Skupštine najkasnije 3 dana prije dana određenog za održavanje Skupštine. Dioničar ili punomoćnik dužan je podnijeti prijavu za učešće u radu i odlučivanju Skupštine, neposredno ili preporučenom poštom na adresu: "SVJETLOSTKOMERC" d.d. Sarajevo, ulica Bačići br. 5, 71000 Sarajevo.

Dioničar ili grupa dioničara sa najmanje 5% ukupnog broja dionica s pravom glasa ima pravo pismeno predložiti izmjenu dnevnog reda i prijedloga odluka Skupštine koja je sazvana najkasnije 8 dana od dana objavljivanja Obavještenja.

Glasanje se vrši zaokurživanjem na glasačkom listiću "ZA" ili "PROTIV" prijedloga odluke. Za pojedine tačke dnevnog reda moguće je glasati i aklamacijom. Rezultat glasanja utvrđuje Odbor za glasanje.

Uvid u isprave i materijale za Skupštinu moguć je narednog dana od dana objavljivanja Obavještenja o održavanju Skupštine u sjedištu Društva "SVJETLOSTKOMERC" d.d. Sarajevo, ul. Bačići br. 5, radnim danom od 9.00 do 11.00 sati.

Dioničar sa preko 10% dionica sa pravom glasa

Uroš Bjedilo-Iluzmanac
"VISPAK" d.d. Visoko

